

BÆTIRÆ Ptolem. ibid. vulgò *Beziens*. *Hermes* huius Episcopus nominatur in epistola 8. Hilari Papæ ad Episcopos diuersarum Prouinciarum Gallia, & *Sedatus* Narbonensi Concilio subscripsit.

NEMAVSVM Colonia apud Ptolem. ibid. vulgò *Nisme*. *Sedatus* Nemausensis Episcopus subscripsit Concilio Agathensi, & *Pelagius* Narbonensi.

CIVITAS LVTEVENSIVM dictæ Notitiæ ciuitatum Gallia, vulgò *Lodève*. *Maternus* huius Episcopus subscripsit eidem Concilio Agathensi, & *Deuterius* Aruernensi.

CASTRVM VCECIENSE eidem Notitiæ, vulgò *Vzés*. *Constantius* Vceciensis Episcopus dicitur in epistola 8. Hilari P. ad Gallia Episcopos, & *Probatius* Agathensi Concilio subscripsit.

CARCASO Ptolem. lib. 2. cap. 10. vulgò *Carcaffone*. *Sergius* eius sedis Episcopus subscripsit Concilio Narbonensi.

AGATHA Strab. lib. 4. vulgò *Agde*. *Sophronius* huius Episcopus subscripsit Concilio Agathensi, & *Tigradius* Narbonensi.

HELENA Sexto Aurel. Vict. in Epitome Historiarum, & Castrum Helenæ Eutropio lib. 10. hist. Rom. vulgò *Elna*. *Benenatus* Helenensis Episcopus subscripsit Concilio Narbonensi, & Concilio Toletano tertio, necnon *Ioannes* Hispalensi primo.

MAGALONA Antiquæ Galliarū Notitiæ Thuanæ, Insula & Ciuitas Maris Mediterranei tribus millibus distans à Monte Pessulo, præclara Volcarum vrbe, ad quam postea è Magalona sedes Episcopalis translata est, vulgò *Magalone*. *Boëtius* huius Episcopus subscripsit eisdem Concilijs Narbonensi, & Toletano tertio.

PROVINCIA AQVENSIS, SEV NARBONENSIS SECVNDA.

AQVÆ SEXTIÆ Ptolem. lib. 2. cap. 10. vulgò *Aix*. *Maximus* eius vrbis Episcopus subscripsit Concilio Aurelianensi IV. & *Anolus* Aurelianensi V.

APTA IVLIA Plinio lib. 3. cap. 4. vulgò *Apt*. *Prætextatus* huius Episcopus subscripsit Concilio Epaonensi, & *Clementinus* Aurelianensi V.

REII Sidon. Apoll. lib. 9. epist. 9. vulgò *Riez*. *Maximus* huius ciuitatis Episcopus subscripsit Concilio Regensi, & *Faustus* Reiensis Episcopus dicitur in Synodo Arlatensi sub Simplicio Papa.

FORVM-IVLII Ptolem. lib. 2. cap. 10. vulgò *Frejuz*. *Acceptus* huius Episcopus dicitur in Epistola Concilij Valentini primi ad Clerum & plebem Ecclesiæ Forojuliensis, & Leo magnus scripsit epist. 91. ad *Theodorum* Forojuliensem Episcopum.

VAPINQVM Antonin. in Itin. vulgò *Gap*. *Constantius* Vapincensis Episcopus subscripsit Concilio Epaonensi, & *Vellesius* Aurelianensi quinto.

SEGESTERO, Secustero Anton. ibid. vulgò *Cisteron*. *Valerius* eius Episcopus subscripsit eidem Concilio Epaonensi, & *Anolus* Aurelianensi quarto.

ANTIPOLIS Ptol. lib. 2. cap. 10. vulgò *Antibe*. *Agræcius* Antipolitanus Episcopus subscripsit Concilio Agathensi, & *Euterius* Aurelianensi quarto. Ea sedes postea Grassam Prouinciæ urbem vicinam translata est.